

# **IMAQARNILIAQ Kommunalbestyrelsi 19-05-2020**

**Ulloq ataatsimiiffissaq**    Tirsdag 19. maj 2020 kl. 19:30

**Ataatsimiiffissaq**        Kommunalbestyrelsip ataatsimiittarfia

# Indholdsfortegnelse

|   |    |
|---|----|
| Saqqaa.....   | 3  |
| Oqaluuserisassat akuerineqarnerat.....  | 4  |
| Nalunaarutit.....   | 5  |
| Ilisimatitsissutit.....   | 6  |
| COVID-19-imut atatillugu siulittaasup aalajangerneranik ilisimatitsissut.....                     | 7  |
| Ataatsimiitit angalanissaat pillugit eqqartuineq.....   | 10 |
| Aalajangiiffigisassat.....  | 11 |
| Ulloq 31/03 2020-mi (TB1) ilassutitut aningaasaliissuteqarnissamik nuussinissamullu aningaasaliis | 12 |
| COVID-19 pissutigalugu sanaartornissamut pilersaarutit kinguartinneqarsinnaasut.....              | 18 |
| Taasariaqartut allat.....   | 25 |
| Lukket.....   | 26 |
| Lukket.....   | 27 |
| Lukket.....   | 28 |
| Imaqarniliap akuerineqarnera.....   | 29 |

# IMMIKKOORTOQ 0: Saqqaa

## Ilaasortat

Charlotte Ludvigsen (IA)

Charlotte Pike (IA)

Uju Petersen (IA)

Harald Bianco (IA)

Inge Olsvig-Brandt (IA)

Hans Jukku Noahsen (IA)

Knud Mathiassen (IA)

Henrik Rachlev (IA)

Lone Rosengreen Pedersen (IA)

Michael Rosing (Sam)

Nadia Olsen (D)

Justus Hansen (D)

Mala Høy Kúko (S)

Peter Davidsen (S)

Thiiooq Knudsen (S)

Ane Egede Mathæussen (S)

Jens Kristian Berthelsen (S)

Rolf Pike (S)

Laura Taunâjik (S)

## Beslutning

Ataatsimeeqataasut: Charlotte Ludvigsen (IA), Uju Petersen (IA), Inge Olsvig Brandt (IA), Hans Jukku Noahsen (IA), Lone R. Pedersen (IA), Henrik Rachlev (IA), Justus Hansen (D), Nadia Olsen (D), Michael Rosing (Sam), Rolf Pike (S), Bitten Høegh-Dam uunga Peter Davidsen (S) sinniisuuvoq, Ane Egede Mathæussen (S) aamma Jens Kristian Berthelsen (S)

Oqarasuaatsikkut: Charlotte Pike (IA), Harald Bianco (IA), Knud Mathiassen (IA) Mala Høy Kuko (S), Thiiooq Knudsen (S) aamma Laura Taunâjik (S)

Afbud: Peter Davidsen (S)

# **IMMIKKOORTOQ 1: Oqaluuserisassat akuerineqarnerat**

## **Beslutning**

Oqaluuserisassat akuersissutigineqarput.

# IMMIKKOORTOQ 2: Nalunaarutit

2a. Siulittaasumit nalunaarutit

2b. Ataatsimiititanik ataavartunit nalunaarutit

## Beslutning

2a.

1. Ulloq maajip 5-iani, Nuuk imeq ataatsimeersuartitsivoq.
2. Marlunngormat ualikkut maajip 12-ani Meeqqanut Ilaqutariinnullu ingerlatsivik innutaasunut Katuap ineeraani saqqummiivoq. Meeqqat ilaqutariillu inuuniarnikkut ajornartorsiuteqartut pillugit politikki nutaaq, tamatumuungalu isumasarsiat toqqammavigineqartut pillugit Meeqqanut Ilaqutariinnullu ingerlatsivimmit saqqummiunneqarput. Inuit katersuussimanissaannut killilersuineq pissutigalugu amerlanerpaamik inuit 40-t katuap ineeraani isersimasinnaatitaapput.
3. Pilersaarutit malillugit inuussutissarsiorneq pillugu siunnersuisooqatigiinnik pilersitsinissaq, corona pissutigalugu kinguaattoorpoq. Inuussutissarsiorneq pillugu siunnersuisooqatigiit maanna pilersinneqarput siunnersuisooqatigiinnilu ilaasortanik sumulluunniit attuumassuteqanngittunik qarasaasiatigut qinersinikkut toqqaasoqareerluni. Ataatsimiinneq siulleq maajip 28-ani Nuummi pissaq, ataatimiinnerit tullii Paamiuni Tasiilamilu juni-mi pissapput.

2b. Soqanngilaq.

## **IMMIKKOORTOQ 3: Ilisimatitsissutit**

# **IMMIKKOORTOQ 03A: COVID-19-imut atatillugu siulittaasup aalajangeranik ilisimatitsissut**

## **Beslutning**

Ilisimatitsissut tusaatissatut tiguneqarpoq, Siumumiit ima oqaaseqaatilerlugu immikkoortut pingajuat tusaatissatut tiguneqanngitsoq. Ikinnerussuteqartutut oqaaseqaateqarsinnaatitaaneq malillugu ima oqaaseqaatitalimmik: Taakkunani pingasuni aalajangiissutassut pingasut marlut ajorinngilagit, kisianni angerlarsimaffeqanngitsunut tupit aalajangiissutaasut akueriuminaatsillugit. Siullermik eqqaassutigilaassavarput kingullermik kommunalbestyrelsi ataatsimiimmat neriorsorneqarpugut immikkut ittumik ataatsimiissasugut aningaasaqarnermi ataatsimiititaliami, ajoraluartumik unitsinneqarpoq saqqummiussassat piareersimannginneri pissutigalugit. Tassami immikkut ataatsimiinnermi sukumiinerusumik eqqartorneqarsimasinnaagaluarput pisut aamma pisussat. Ulloq 14. maj tikilligu naluarpugut angerlarsimaffeqanngitsunut tupit qanoq atorneqarsimanersut aamma akit tungaatigut.

- Isumaqtigiissut takunikuunngilarput qanoq isikkoqarpa, atsiorneqarnikuuva?
- Sinerissamiittut qanoq pineqarpat? Qanoq isumagineqarpat? Ilami ilaatigut tusarparput iluamik isumagineqarsimanngitsut (immikkoortitsineq).
- Corona qaangiuppat taava qanoq pisoqassava tupit tungaatigut.

Nukap Meinel'p containeriutai pisiarinqarsinnaagaluarput nammineq neqeroorpoq akeqanngitsumik atorneqarsinnaasut imaluunniit pisiarinqarsinnaallutik 1.5 mill, kronilerlugit. Containeriutai inunnik 45-inik unnuiffiusinnaasut iluarsartuuteriarlugit naleqqussariarlugit pineqarsinnaagaluarput. Tassami taamaalilluni Kommune peqariissaaq tulliani corona takkuteqqissagaluarpat. Massakkumiit eqqarsarniarta qanoq ingerlariaqqissanerluta taamatut attartueqattaarluta pisinnaanngilagit akisutigusut.

## **COVID-19-imut atatillugu siulittaasup aalajangerneranik ilisimatitsissut**

Ilisimatitsissut

J.nr.: 00.00.00-A00-8-21

Suliffeqarfimmut Kiffartuussivik – Kommunaldirektøri Lars Møller-Sørensen / LMS

### **Suliassamik eqikkaaneq**

COVID-19-ip kingunerisaanik matusinermut atatillugu borgmesteri siulittaasutut pingasunik aalajangiivoq. Tassanilu imigassallersinnaanermut akuersissutitut, meeqqeriviit matoqqanerani meeqqerivinnut akiliutinut aamma angerlarsimaffeqanngitsut tupersuinut atatillugu aalajangiivoq.

Suliaq Aningaasaqarnermut Inuussutissarsionermullu Ataatsimiititap ulloq 14. maaji 2020-mi ataatsimiinnerani oqaluuserineqarpoq, ataatsimiititallu ilisimatitsissut tusaatissatut tiguaa Kommunalbestyrelsimullu ilisimatitsissutitut ingerlateqqillugu.

### **Inassuteqaat**

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

COVID-19-ip kingunerisaanik matusinermut atatillugu borgmesteri siulittaasutut pingasunik aalajangiivoq. Aalajangernera pivoq malittarisassaq una malillugu "Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi paragraf 18 aamma 27 imm. 2". Tassani ima allaqqavoq:

"§ 18 Borgmesterip kommunalbestyrelse sinnerlugu suliassat kinguartinneqarsinnaanngitsut imaluunniit nalornisoorutaasinnaanngitsut aalajangiivigisinnaavai.

*Imm. 2* Borgmesterip kingusinnerpaamik ileqquusumik ataatsimiinnermi tulluuttumi suliat imm. 1 naapertorlugu aalajangiiffigineqartut pillugit kommunalbestyrelse ilisimatittassavaa."

*"Imm. 2* Siulittaasup ataatsimiititaliaq sinnerlugu suliassat kinguartinneqarsinnaanngitsut imaluunniit nalornisoorutaasinnaanngitsut aalajangiivigisinnaavai. Suliassani inatsisiliornikkut ataatsimiititaliamut suliassanngortitaasimannngitsuni kinguartinneqarsinnaanngitsunili ataatsimiititaliami siulittaasup aalajangertinnani borgmesteri ilisimatittassavaa."

Ulloq marsip 18-ani aamma marsip 31-ani borgmesterip kommunalbestyrelsi ilisimatinnikuuaa. Ilanngullugu COVID-19-mut attuumassutillit pingaarnerit pillugit borgmesterip gruppeformandit ataavartumik ilisimatittarnikuuai.

### **Aaqqiissutissatut siunnersuut – suliatigut naliliineq**

Borgmesteri siulittaasutut pingasunik aalajangiivoq:

1)

Suliffeqarfimmut Kiffartuussivimmit 14. aprili 2020-mi Pisiffik/Sparkøb, Aqqusinersuaq 14 C - B 4181, 3900, siulersuisut siulittaasuanit Karsten Høy-imit imigassamik kimikitsumik kimittuumillu aalakoornartortalimmik nioqquteqarsinnaanermut akuersissummik qinnuteqaat tiguneqarpoq.

Pisiffik/Sparkøb Jens Kreutzmannip Aqq. 3 B 2098-imiit ininut nutaanut HHE Express, Aqqusinersuaq 14 C – B 4181, 3900 Nuummumut nuunneqarpoq. Imigassallersinnaanermut akuersissummik qinnuteqaat Aningaasaqarnermut Inuussutissarsionermullu Ataatsimiititamit 16. aprili 2020-mi oqaluuserineqarsinnaanngimmat, borgmesterip Aningaasaqarnermut Inuussutissarsionermullu Ataatsimiititami siulittaasutut atuunnini atorlugu 1. maaji 2020-mi imigassallersinnaanermut akuersissut pillugu qinnuteqaat akuerivaa.

Oqaatigineqassaaq Kalaallit Nunaanni Politiit, Qatserisartoqarnermut Oqartussaasut, Meeqqanut Inuusuttunullu Ingerlatsivik kiisalu Peqqinneq Pitsaaliuinerlu pillugit Ingerlatsivik oqaaseqaatissaqanngimmata.

2)

Kommunimi meeqqeriviit matoqqagallarnerini akiliuteqartoqassanngitsoq borgmesterimit ulloq marsip ulluisa 20-anni aalajangiunneqarpoq. Taamaaliortoqarporlu immikkorluinnaq ittumik inissisimalernerput eqqarsaatigalugu, ilaatigut ilaqutariippasuit meerartallit pingaartumik Nuummiittut matoqqanerup nalaani misigisaat.

3)

Ulloq marsip ulluisa 17-ianni Nuummi angerlarsimaffeqanngitsut tupersuaqartinneqalissasut borgmesterimit aalajangiunneqarpoq. Tamanna kommunimit nammineq suliniuteqarnikkut pivoq, aammali Nunatsinni Nakorsaaneqarfik siunnersortigalugu tamanna pilluni, ilaatigut isumaqarmata angerlarsimaffeqanngitsut nappaat pillugu mattussaariataassagaluarpata sumiiffissaqartariaqartut. Taamaalilluni aamma innuttaasut tunillaassortumik siammartereratarsinnaasut inissisimalluinnartut toqqissisimanartumik isumannaatsumillu pilersitsivigineqarput.

*Aningaasatigut sulisoqarnikkullu naliliinerit*

Aalajangererup aappaa isertitatigut appartitsivoq aalajangererullu pingajuat kommunimut aningaasartuuteqartitsinerulluni.

*Inatsisitigut tunngavissaq allakkallu tunngaviusumik uppersaataitallit*

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

*Ingerlariaqqinnissaq*

Soqanngilaq.

**Aningaasaqarnermut Allatseqarfimmit oqaaseqaatit**

Oqaaseqaateqartoqanngilaq

**Innuttaasunik peqataatitsineq/attaveqaatigiinneq**

Illuatungerisanut attuumassuteqartunut innuttaasunullu toqqaannartumik saaffiginnissuteqarnikkut imaluunniit tusagassiutinut nalunaaruteqarnikkut aalajangererit pingasut ingerlateqqinneqarnikuupput.

**Ingerlatsivinnit allaniit oqaaseqaatigineqartut**

Oqaaseqaateqartoqanngilaq.

**Siusinnerusukku aalajangerneq:**

*Aningaasaqarnermut Inuusutissarsiornermullu Ataatsimiititap ulloq 14. maaji 2020-mi aalajangerera:*

Inassuteqaat akuersissutigineqarpoq

**Ilanngussat**

Ilanngussaqaanngilaq

# **IMMIKKOORTOQ 03B: Ataatsimiititat angalanissaat pillugit eqqartuineq**

Suliaq kinguartinneqarpoq .

## **IMMIKKOORTOQ 4: Aalajangiiffisassat**

# **IMMIKKOORTOQ 04A: Ulloq 31/03 2020-mi (TB1) ilassutitut aningaasaliissuteqarnissamik nuussinissamullu aningaasaliissuteqarnissamik qinnuteqaat**

## **Beslutning**

Inassuteqaatit tamarmiusut akuersissutigineqarput.

Inassuteqaatini siulleq akuersissutigeqarpoq.

Inassuteqaatit aappaat akuersissutigineqarpoq.

Inassuteqaatit pingajuat akuersissutigineqarpoq.

Inassuteqaatit sisamaat akuersissutigineqarpoq.

Inassuteqaatit tallimaat akuersissutigineqarpoq.

Inassuteqaatit arfernat akuersissutigineqarpoq.

## **Ilanngussat**

Aningaasartuutaanerusussanut aningaasartuutikinneruffiusussanullu siunnersuutit tamarmiusut takussutissartaat

Immikkoortoq 400 politikkimut tunngasoq pillugu nassuiaat Naleqqussaanissamut siunnersuutininik nassuiaat

Immikkoortoq 401 Suliffeqarfimmi Kiffartuusivik pillugu nassuiaat Naleqqussaanissamut siunnersuutininik nassuiaat

Immikkoortoq 402 Suliffeqarnermut Isumaginninnermullu pillugu nassuiaat Naleqqussaanissamut siunnersuutininik nassuiaat

Immikkoortoq 404 Meeqqanut Atuarfeqarnermullu pillugu nassuiaat Naleqqussaanissamut siunnersuutininik nassuiaat

Immikkoortoq 405 Sanarfinermut Avatangiisinullu pillugu nassuiaat Naleqqussaanissamut siunnersuutininik nassuiaat

Sanarfinermut Avatangiisinullu Ataatsimiititap sanaartorneq pillugu inassuteqaataa 17/4 2020-meersoq

Ingerlatsinermi nuussinissamik kissaatigineqartunut takussutissaq

## Ulloq 31/03 2020-mi (TB1) ilassutitut aningaasaliissuteqarnissamik nuussinissamullu aningaasaliissuteqarnissamik qinnuteqaat

Aalajangiiffigisassaq

J.nr.: 06.03.01

Suliffeqarfimmut Kiffartuusivik - Kommunaldirektøri Lars Møller-Sørensen / LMS

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Meeqqanut Ilaqutariinnullu Ingerlatsivik – Pisortaq Martha Lund Olsen/ MLOL

Suliffeqarnermut Isumaginninnermullu Ingerlatsivik – Pisortaq Jill S. Helleesen / JISH

Sanarfinermut Avatangiisinullu Ingerlatsivik – Pisortaq Hans Henrik Winther Johansen / HHWJ

### Suliassamik eqikkaaneq

COVID-19-imik tunillaassuunnerup tamatumalu malitsigisaanik Kalaallit Nunaata matuneqarnerata kingunerisaanik naatsorsuutaasimannngitsunik Kommuneqarfik Sermersuumut aningaasartuuteqarnerunernik aningaasartuutikinnerunernillu kinguneqarsimavoq, saniatigullu 2019-imi ukiaanerani 2020-mut missingersuusionerup kingorna immikkoortut ilaat kommunimit ilisimasaqarfigineqarnerulersimapput.

COVID-19-ip kingunerisaanik aningaasanik tigoriaannarnut sunniutaasussat poorski sioqquutilaarlugu kommunip missiliutaasa takutippaat, kommune qaammatini sisamani tullerni 188 mio. koruuninik aningaasanik tigoriaannarnik tigusisoqarnissaa naatsorsuutigineqassasoq, tassa imaappoq ulloq 30/6 kommunip karsiani 44 mio. koruunit nalinganik amigartooruteqassasoq.

Tamatuma saniatigut COVID-19 2020-mi aningaasaqarnikkut ingerlanerliortitsinissaa naatsorsuutigineqarpoq, tamannalu minnerpaamik 2021-p tungaanut sivisunermilluunniit taamaannissaa naatsorsuutigineqartariaqarluni. Taamatut aningaasaqarnikkut ingerlanerliornerup kingunerisaanik ukiuni aggersuni akileraarutitigut isertitakinnerunermik kinguneqassasoq naatsorsuutigineqartariaqarpoq.

Tamanna pillugu Kommuneqarfik Sermersuumi ingerlatsiviit naatsorsuutit 28/2 2020-meersut toqqammavigalugit immikkoortut tamaasa misissorpaat, ersarissumik missingersuutitigut sutigut aaqqiissuteqarnissaq pisariaqarnerasoq nalilersorniarlugu.

Taamaattumik ingerlatsiviit ataatsimoorlutik apeqqutinut tulliuuttunut akissuteqaatinik saqqummiussassanik suliaqarput:

1. COVID-19-ip tuniluunnerata isumagineqarneratalu kingunerisaanik sipaarutaasussat suut naatsorsuutigineqarsinnaappat.
2. COVID-19-ip tuniluunnerata isumagineqarneratalu kingunerisaanik aningaasartuutaanerusussat suut naatsorsuutigineqarsinnaappat.
3. Suliat suut unitsinneqarsinnaappat, taamalu COVID-19-ip tuniluunnerata isumagineqarneratalu kingunerisaanik aningaasartuutaanerusunik aningaasaliissutaqataasinnaappat.
- 4.

Tulliuuttuni kommunimi atuivallaarfiusussatut aamma atuinikinneruffiusussatut nalilernerqartut agguataarneri takuneqarsinnaapput.

|  | .     | Mio. kr. |
|--|-------|----------|
| <b>Ingerlatsineq:</b>  |       |          |
| COVID-19-ip kingunerisaanik sipaarutaasussat katinneri           | -15,8 |          |
| COVID-19-ip kingunerisaanik aningaasartuutaanerusussat katinneri | 80,7  |          |
| Ingerlatsinermi suliat unitsinneqarsinnaasut                     | -24,5 |          |

|  |              |              |
|--|--------------|--------------|
| <b>= ingerlatsinermermi atuinerunissamik naatsorsuutigineqartut katillugit:</b>                        | <b>40,4</b>  | <b>40,4</b>  |
| <b>Sanaartorneq:</b>   |              |              |
| Sanaartornermi suliat kinguartinneqarsinnaasut/unitsinneqarsinnaasut                                   | -26,0        |              |
| <b>= sanaartornermi atuinikinnerunissamik naatsorsuutigineqartut katillugit</b>                        | <b>-26,0</b> | <b>-26,0</b> |
|  |              |              |
| <b>= 2020-mi karsimiit ilanngaait ilanngaatigereerlugit ilassutitut aningaasaliissutit katillugit:</b> |              | <b>14,4</b>  |
| + = aningaasartuutit / aningaasartuuteqarneruneq / isertitakinneruneq                                  |              |              |
| - = isertitat / aningaasartuutikinneruneq / isertitaqarneruneq   |              |              |

TB1 akuerineqassapput maannakkut ukiumut angusassatut missiliuusiat naapertorlugit makkunani sinneqartoornissaq ilimagineqarpoq:

|  | Mio kr.      |
|--|--------------|
| <b>2020-mut missingersuutaqqaarsimasuni sinneqartoorutit:</b>                      | <b>-81,4</b> |
| COVID-19-ip kingunerisaanik sipaarutaasussat katinneri                             | -15,8        |
| COVID-19-ip kingunerisaanik aningaasartuutaanerusussat katinneri                   | 80,7         |
| Ingerlatsinermermi suliat unitsinneqarsinnaasut                                    | -24,5        |
| Sanaartornermi suliat unitsinneqarsinnaasut  | -26,0        |
| <b>= tamatuma kingorna katillugit 2020-mut sinneqartoorutissatut naatsorsuutit</b> | <b>-67,0</b> |
|  |              |
| + = aningaasartuutit / aningaasartuuteqarneruneq / isertitakinneruneq              |              |
| - = isertitat / aningaasartuutikinneruneq / isertitaqarneruneq                     |              |

Suliamut takussutissatut ilanngunneqartut tassaapput:

Ilanngussaq 1-imiipput TB1-imik qinnutigineqartut tamarmik takussutissartaat, ingerlatsivinnut, ingerlatsinermermut sanaartornermullu agguataarlugit.

Ilanngussat 2-6-imiipput, siunnersuutit ataasiakkaat sukumiisumik nassuiaatitallit, ingerlatsivinnut agguataarlugit. Ilanngussani taakkunani siunnersuutit ataasiakkaanut tunngatillugu immikkoortoq 3-mi siunertat suut pineqarnersut aamma allassimapput.

Ilanngussaq 7 tassaavoq Sanarfinermut Avatangiisinullu Ataatsimiititap suliai 17/4 2020-meersut, tassa sanaartornermi aningaasat atorneqarsimanngitsut katillugit 19,7 mio. koruunit 2019-imiit 2020-mut nuunneqartut kingornalu 2020-mut sanaartornermut missingersuutini katillugit 45,7 mio. koruuninik ikilisitsinerit. Taamaalilluni ataatsimiititap 2020-mut sanaartornermut aningaasaliissutit ilanngaait ilanngaatigereerlugit 26,0 mio. koruuninik ikilisippai.

## Nuup Bussii pillugit immikkut:

Coronamik nalaataqarnerup Nuup Bussiisa isertitaanut kinguneqartitsivoq, Namminersorlutik Oqartussat maleruaqqusaat pissutigalugit bussini ilaasinnaasut killeqarmata. Tamatuma saniatigut Namminersorlutik Oqartussat ikiorsiissutaannik Nuup Bussii ikiorserneqarsinnaanngillat, ingerlatseqatigiiffik 100 procentimik kommunimit pigineqarmat.

Ingerlatseqatigiiffik 1.375.922 koruuninik sipaaruteqarpoq, taamaattorli ukiup sinnerani ilaasinnaasut killeqassappata 2020-mi 8 mio. koruunit tikillugit pisariaqartinneqalissasut naatsorsuutigineqarpoq.

Tamanna pillugu aningaasanik tigorianaannik pisariaqartitsineq pillugu Nuup Bussiinut 8 mio. koruunit tikillugit kommune erniaqaratillu akilersugassaannngitsunik taarsigassarsititsissasoq siunnersuutigineqarpoq.

Suliaq Aningaasaqarnermut Inuusutissarsiornermullu Ataatsimiititap 14. maaji 2020-mi ataatsimiinnerani oqaluserineqarpoq, inassuteqaatigineqartoq ataatsimiititamik akuersissutigineqarpoq suliarlu Kommunalbestyrelsimut inaarutaasumik aalajangiiffigisassanngorlugu ingerlateqqinneqarluni.

### **Inassuteqaat**

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigaa:

- COVID-19-ip kingunerisaanik ingerlatsinermi sipaarutaasussanut ilassutitut aningaasaliissutit katillugit 15,8 mio. koruunit akuersissutigineqassasut, kommunillu karsianut ilanngunneqarlutik
- COVID-19-ip kingunerisaanik katillugit 80,7 mio. koruuninik aningaasartuuteqarnerunissaq pillugu ingerlatsinermi ilassutitut aningaasaliissutissat akuersissutigineqassasut, aamma kommunip karsianit aningaasaliiffigineqassasut.
- Ingerlatsinermi sulianut unitsinneqarsinnaasunut ilassutitut aningasaliissutit katillugit 24,5 mio. koruunit akuersissutigineqassasut, kommunillu karsianut ilanngunneqarlutik.
- Sanaartornermi sanaartornermut tunngasunut unitsinneqarsinnaasunut ilassutitut aningasaliissutit katillugit 26 mio. koruunit akuersissutigineqassasut, kommunillu karsianut ilanngunneqarlutik.
- ilanngussaq 8-mi nuussineq akuersissutigineqassasoq
- COVID-19-ip kingunerisaanut ingerlatseqatigiiffik sillimmaqartinneqarnissaanut Nuup Bussiinut katillugit 8 mio. koruunit tikillugit erniaqaratillu akilersugassaannngitsunik taarsigassarsititsinikkut aningaasaliissuteqartoqassasoq

### *Aaqqiissutissatut siunnersuutit – suliatigut naliliineq*

Allaffeqarfiup sulianik naliliinera malillugu, 2020-mi 2021-milu, COVID-19-ip malitsigisaanik, aningaasaqarnikkut ingerlanerliortoqarnissaa naatsorsuutigineqassaaq. Taamaattumik ingasaassinaveersaannginnissaq ukioq mannalu sipaaruteqarfiusinnaasut sipaaruteqarfigineqarnissaat siunniunneqarpoq. Tamatumani kommunip ukiuni tulluittuni suliasaqarfii pingaarutillit aningaasassaqartinneqarnissaasa qulakkeerneqarnissaat siunertaavoq.

## TB1-ip sioqqullugu unammillernarsinnaasunik eqikkaaneq:

Ataatsimut katillugu naatsorsuutigineqarpoq, Kommuneqarfik Sermersooq 2020-mi – sulilu annerusumik 2021-mi – isertitanut sanilliullugu aningaasartuutitigut annertuutitigut imaannaanngitsorsiorortoqarnissaa.

- Kommuneqarfik Sermersuumi aningaasartuutini naatsorsuutigineqarluni, inuiaqatigiinni saannginnerusunut suliniutini ikiorsiissutitigut arlalitsigut aningaasartuuteqarnerulerit aningaasarliornermut sunnuteqaqataassapput.
- Isertitassanut tunngatillugu suliffissaaleqisoqarnerata annertusineratigut akileraarutitigut isertitat ikinnerulissapput, peqatigitillugulu atuisut akiliutaat ikileriassangatinneqarlutik. Naatsorsuutigineqartariaqarlunilu, Naalakkersuisut aamma kommuninut ataatsimoortumik tapiissutitigut aningaasartuutiminnik ikililerinissaat imaluunniit pisortat aningaasartuutaannut kommunit akileeqataatinniarsinnaavaat.
- Tassunga tapiiliullugu COVID-19-ip 2020-mi atuunnerani aningaasartuuteqarnerulerneq kommunip aningaasat tigorianaanaatanut nungukkaluttuinnartitsissaaq, taamaalillunilu kommune aningaasarliornissamut piartortumut sillimmartaarsinnaajunnaassalluni.

Kommuneqarfik Sermersooq taamaalilluni aningaasarliornermut sillimmartaarutissaminik aningaasaqarnikkut toqqammavigissaarsinnaajunnaarsinnaavoq.

#### *Aningaasatigut sulisoqarnikkullu naliliinerit*

Suliamik saqqummiussissummi ilassutitut aningaasaliissuteqarnissamut tunngasut tamarmik kommunip maannakkut aningaasatigut inissisimaneranut attuumassuteqartinneqarsinnaapput sipaarutissatut siunnersuutit aamma akuersissutigineqarpata.

*Inatsisitigut tunngavissaq allakkallu tunngaviusumik uppermarsaatitallit*  
Soqanngilaq.

#### *Ingerlariaqqinnissaq*

Tamatuma kingorna suliaq inaarutaasumik akuersissutigisassanngorlugi Kommunalbestyrelsimut ingerlateqqinneqassaaq

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit inassuteqaatit innersuussutigineqarput.

#### **Innuttaasunik peqataatitsineq/Attaveqaqatigiinneq**

Soqanngilaq.

#### **Siusinnerusukku aalajangerneq**

*Aningaasaqarnermut Inuussutissarsiornermullu Ataatsimiititap aalajangernera ulloq 14. maaji 2020-meersoq:*

Inassuteqaat akuersissutigineqarpoq

#### **Ilanngussat**

1. Aningaasartuutaanerusussanut aningaasartuutikinneruffiusussanullu siunnersuutit tamarmiusut takussutissartaat
2. Immikkoortoq 400 politikkimut tunngasoq pillugu nassuiaat Naleqqussaanissamut siunnersuutinik nassuiaat
3. Immikkoortoq 401 Suliffeqarfimmi Kiffartuusivik pillugu nassuiaat Naleqqussaanissamut siunnersuutinik nassuiaat
4. Immikkoortoq 402 Suliffeqarnermut Isumaginninnermullu pillugu nassuiaat Naleqqussaanissamut siunnersuutinik nassuiaat

5. Immikkoortoq 404 Meeqqanut Atuarfeqarnermullu pillugu nassuiaat Naleqqussaanissamut siunnersuutiniq nassuiaat
6. Immikkoortoq 405 Sanarfinermut Avatangiisinullu pillugu nassuiaat Naleqqussaanissamut siunnersuutiniq nassuiaat
7. Sanarfinermut Avatangiisinullu Ataatsimiititap sanaartorneq pillugu inassuteqaataa 17/4 2020-meersoq
8. Ingerlatsinermi nuussinissamik kissaatigineqartunut takussutissaq

# **IMMIKKOORTOQ 04B: COVID-19 pissutigalugu sanaartornissamut pilersaarutit kinguartinneqarsinnaasut**

## **Beslutning**

Inassuteqaat akuersissutigineqarpoq.

## **COVID-19 pissutigalugu sanaartornissamut pilersaarutit kinguartinneqarsinnaasut**

Aalajangiiffigisassaq

J.nr.: 17.05.00

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Ingerlatsiviup sanaartugassanut missingersuutit akuerisat COVID19 (Coronavirus) pissutigalugu pilersaarutit kinguartissinnaasunik nassaarniarnissaq siunertaralugu misissorpai, tassani kommunimut, inuussutissarsiortunut innuttaasunulluunniit immikkut sunniuteqarnanilu kinguneqartitsinngikkaluarluni.

Suliaq Sanarfinermut Avatangiisinullu Ataatsimiititap apriliip 17-iani 2020-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititaput kiisalu Kommunalbestyrelsimut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 14. aprili 2020-mi ataatsimiinnerani oqaluuserineqarpoq, inassuteqaatigineqartoq ataatsimiititaput akuersissutigineqarpoq suliarlu Kommunalbestyrelsimut inaarutaasumik aalajangiiffigisassanngorlugu ingerlateqqinneqarluni.

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- sanaartugassat sanaartornissamullu pilersaarutit sorliit unitsikkallarneqarsinnaanersut, taamalu ukioq missingersuusiorfik 2020-miit ukioq missingersuusiorfik 2021-mut kinguartinneqassasut taamaativinneqassasulluunniit pillugit, Sanarfinermut Avatangiisinullu Ataatsimiititap inassuteqaataa inaarutaasumik akuersissutigineqassasoq

### **Suliassamik saqqummiussineq**

Kalaallit Nunaat aamma Kommuneqarfik Sermersooq virusimik COVID-19 (Coronavirus) nappaalanermik eqqugaaratarsinnaammat, Sanarfinermut Avatangiisinullu Ingerlatsiviup ukioq manna missingersuusiorfiusumi sanaartugassanut missingersuutaa akuersissutigineqarsimasoq sukumiisumik misissorsimavaa, sanaartornissamut pilersaarutit aningaasanik atorsinnaasanik ilatigut kommunip ingerlataanut tunngatillugu aningaasartuuteqarnerunissamut matussutaasinnaasunik nassaarnissaq siunertaralugu.

Kommuneqarfik Sermersuumut, kommunimi innuttaasunut naammassineqarnissaannut pisariaqarluinnartut kiisalu sanaartornissamut pilersaarutit isumaqatigiissutit pissutigalugit tamakkiisumik atugassiissutaareersimasut matumani ilanngunneqanngillat pisorlu apeqqutaatinnagu akornuteqanngitsumik ingerlaannartussaapput.

Sanaartornissamut pilersaarutit allat assigalugit *"Nunaqarfiit siuarsarneqarnissaannut pilersaarut - Immikkoortumut pilersaarut"* taamatutaaq sipaarutaasinnaasunik ujartuinnermi misissorneqarpoq. Ukioq missingersuusiorfimi matumani suliassanut atorneqartussat tamarmik kinguartinneqarsinnaapput, tassa tulluuttut akornuteqanngitsumik ingerlaannartussat minillugit.

- Kuummiini puttasut

- Sermiligaami amutsivik
- Tiilerilaami katersortarfik (B-714)
- Arsummi puttasut ikaartarfillu (wire-mik amoorut ilanngullugu)
- Isertumi katersortarfik (B-842)

*Aaqqiissutissatut siunnersuut – suliatigut naliliineq*

Coronavirus pissutigalugu aningaasatigut sunniutaasussat maanna ilisimaneqanngimmata, Kommuneqarfik Sermersuumi immikkoortuni sinnerani aningaasartuutaanerusut ilaat matussuserniarlugit, taamalu kommunip ingerlatsinera ingerlaannarnissaa qulakkeerniarlugu, sanaartornermut tunngasuni aningaasat amerlanerpaat qulakkeerneqarnissaat pitsaasuussasoq nalilerneqarpoq.

| <i>Pilersaarut</i>   | <i>2020-mi<br/>missingersuutaaqqaartoq<br/>(t.kr.)</i> | <i>2019-imit<br/>2020-mut<br/>nuussinerit<br/>(t.kr.)</i> | <i>2019-imit<br/>nuussinerup<br/>kingorna 2020-<br/>mut<br/>missingersuutit<br/>(t.kr.)</i> | <i>Aningaasat<br/>siunertanut allanut<br/>nuunneqarsinnaasut<br/>(t.kr.)</i> |
|--|--|---|---|--|
| Nunaqarfiit<br>siuarsarneqarnissaannut<br>pilersaarut -<br>Immikkoortumut<br>pilersaarut | 8.000  | -300  | 7.700   | 5.800  |
| Annersuarmi<br>aneerussivinnut<br>inaalitsiviliorneq                                     | 700  | 0   | 700   | 700  |
| Paamiuni<br>neqitsersuisarfik<br>qalulerivillu   | 1.000  | 181   | 1.181   | 881  |
| Isaterineq iluarsaassinerlu<br>Kangilinnguit   | 7.000  | 0   | 7.000   | 5.000  |
| Nunaqarfinni<br>Ittoqqortoormiinilu<br>saliinissaq                                       | 3.300  | 0   | 3.300   | 1.500  |
| Tunumi nunaqarfinni<br>tallimani<br>piaaaneq/isaterineq                                  | 800  | 0   | 800   | 800  |
| Tasiilami<br>inissialiortiterneq   | 1.000  | 0   | 1.000   | 1.000  |
| Nuuk, B-440 aamma B-<br>441<br>iluarsaanneqarnissaat                                     | 5.500  | 300   | 5.800   | 5.300  |
| Tasiilami utoqqaat illuat<br>nutaaq  | 1.000  | 0   | 1.000   | 1.000  |
| Utoqqaat najugaqatigiiffiat  | 2.900  | 100   | 3.000   | 2.500  |

|   |       |       |       |       |
|---|-------|-------|-------|-------|
| Ittoqqortoormiit  |       |       |       |       |
| Paamiut pillugit tamakkiisumik pilersaarut  | 2.500 | 1.400 | 3.900 | 3.900 |
| Katuap nutarterneqarnissaanut aningaasaliissutit  | 5.800 | 1.900 | 7.700 | 0     |
| Nuussuup Mannguani susassaqartitsivik   | 2.000 | 0     | 2.000 | 500   |
| Ittoqqortoormiini betonimik aqqusinniorneq kuuffilersuinerlu  | 1.000 | 0     | 1.000 | 1.000 |
| Illoqarfiup aqquserngini tamakkerlugit asfaltip iluarsartuunneqarnera   | 2.000 | 1.500 | 3.500 | 3.500 |
| Ingerlatsinermi sulinermut atatillugu biilnik taarsersuineq   | 5.050 | 0     | 5.050 | 1.500 |
| Tasiilami kalaalimineerniarfik  | 800   | 300   | 1.100 | 1.000 |
| Nuutoqqap aamma Tasersuup (Aqqaluup Aneerasaartarfia) uummarissarneqarnerat   | 2.900 | 100   | 3.000 | 3.000 |
| Naapittarfimmi qallersuineq qullilersuinerlu  | 1.000 | 0     | 1.000 | 1.000 |
| Kuummiuni arsaattarfik ivigaaraasalik   | 3.400 | 0     | 3.400 | 3.400 |
| Misileraatit illuliap sanaartorneqarnera  | 2.000 | 0     | 2.000 | 2.000 |
| Biilnut innaallagiartortunut orsersuisarfinnik atuutilersitsineq  | 750   | 0     | 750   | 750   |
| Qarasaasiatigut atortunik ineriartortitsineq (akissarsialerinermit atortorissaarut, piffissamik nalunaarsuut, pigaartunut pilersaarutit, ESDH, Sulisoqarnermut Immikkoortortaqaarfik) | 6.000 | 0     | 6.000 | 6.000 |
| Sermiligaap Kuummiullu kangerluinik salinissaq.   | 400   | 0     | 400   | 400   |
| B-1146 Anaanat-   | 0     | 1.500 | 1.500 | 0     |

|   |               |               |               |               |
|---|---------------|---------------|---------------|---------------|
| meeqqallu Illuannik<br>iluarsaassineq   |               |               |               |               |
| Qeqertarsuatsiaat -<br>sanaartorneq   | 0             | 759           | 759           | 759           |
| Tasiilami qaarajuttumik<br>qalialimmik<br>timersortarfiliorneq                          | 0             | 1.144         | 1.144         | 0             |
| Uilumik<br>pitsanngorsaanaissaq -<br>barnevogninut inaalitsivik<br>igaffillu nutaaq     | 0             | 308           | 308           | 0             |
| Qeqertarsuatsiaani<br>aneerussivinnut qui   | 0             | 600           | 600           | 600           |
| Paamiuni Utoqqaat Illuat<br>nutaaq  | 0             | 1.000         | 1.000         | 1.000         |
| Angerlarsimaffeqanngitsut<br>26-t modulbarakkini  | 0             | 2.000         | 2.000         | 2.000         |
| Pisuinnaat aqputaatigut<br>illoqarfimmi<br>uninngaartarfiit<br>illoqannginnersallu      | 0             | 1.000         | 1.000         | 1.000         |
| Skateboardertarfimmik -<br>cykelertarfimmik<br>pilersitsineq.                           | 0             | 1.627         | 1.627         | 1.627         |
| Naluttarfik Malik,<br>Issiavinnik<br>kaassuartaakkanik<br>atuisunut isaariaq il. il.    | 0             | 600           | 600           | 600           |
| Tasiilami<br>majuartaateqarfimmut<br>inissiivik   | 0             | 2.251         | 2.251         | 0             |
| Malinnut<br>assiaqutsiornissamut<br>misissueqqaarneq -<br>Sermiligaaq                   | 0             | 300           | 300           | 300           |
| Tasiilami umiatsianik<br>inaalitsisarnerit aamma<br>umiarsualiviup<br>itisilerneqarnera | 0             | 864           | 864           | 0             |
| Umiatsianut toqqavik  | 0             | 300           | 300           | 0             |
| <b>Aningaasat katinneri<br/>(sunniutaasoq)</b>  | <b>66.800</b> | <b>19.734</b> | <b>86.534</b> | <b>60.317</b> |

*Aningaasatigut sulisoqarnikkullu naliliinerit*

Sanaartornissamut pilersaarutaasut periarfissaasinnaasut tamarmik unitsikkallarnissaat politikikkut aalajangerneqassappat, aningaasat katillugit 60,317 mio. koruuniussapput, 2019-imiit 2020-mut nuussinerit ilanngullugit.

Taamatut nalaataqarneq ajortumik kinguneqassappat sanaartornissamut pilersaarutit allat unitsikkallarneqarsinnaasut maluginiarneqassaaq, taakkumi aallarteqqinneqarsinnaassanngillat ingerlaannarsinnaanatillu, taamalu sipaarutissanik allanik nassaartoqarsinnaassaaq.

*Inatsisitigut tunngavissaq allakkallu tunngaviusumik uppernarsaatitallit*  
Soqanngilaq.

#### *Ingerlariaqqinnissaq*

Politikikkut aalajangerneq tunngavigalugu Sanarfinermut Avatangiisinullu Ingerlatsiviup sulini nangissavaa.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfiup oqaaseqaatigaa, covid-19-imik nunarsuaq tamakkerlugu tunillaassuunneq pissutigalugu kommunimut, akileraarutitigut isertitakinnerunikkut isumaginninnermullu tunngasunut aningaasartuuteqarnerunikkut, aningaasaqarnikkut sunniuteqartussaavoq, taamaalillunilu kommunimi karsimiittuutit aningaasallu tigorianaanaat annertuumik pitsaanerulersinneqartariaqarput, taamaattumillu pingaaruteqarluinnaqqissaarpoq sanaartornissamut pilersaarutini taamatut iliorneq takuneqarsinnaanissaa.

#### **Innuttaasunik peqataatitsineq/attaveqaqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Ingerlatsivinnit allanit oqaaseqartitsiniartoqanngilaq.

#### **Siusinnerusukkut aalajangerneq**

*Kommunalbestyrelsen aalajangiinera 26. novemberi 2019-imeersoq:*

Inassuteqaat akuersissutigineqarpoq ima oqaasertalerlugu:

immikkoortoq 7: Inassuteqaat akuersissutigineqarpoq Siumut ima oqaaseqaateqarluni, missingersuutitut najoqqutassap apriliimi akuerineqarnerani, missingersuutit pillugit isumaqatiginninniarnissat missingersuutitut najoqqutassat iluannut ilanngunneqarnissaat kissaatigaat.

*Sanarfinermut Avatangiisinullu Ataatsimiititap apriliip 17-iani 2020-mi aalajangernera:*

Inassuteqaat ataatsimiititamit tamarmiusumit akuerineqarpoq, uku akuersissutigalugit:

Nunaqarfiit siuarsarneqarnissaannut pilersaarut - Immikkoortumut pilersaarut: 3.7 mio. koruunit kinguartinneqassasut:

Annersuarmit barnevogninut inaalitsiviliorneq: unitsikkallarneqarpoq.

Paamiuni neqitseruisarfik qalulerivillu: 881.000 koruunit kinguartinneqassasut

Isaterineq iluarsaassinerlu Kangilinnguit/Grønødal: 6.mio koruunit kinguartinneqassasut

Nunaqarfinni Ittoqqortoormiini saliinissaq: 1.5 mio. koruunit kinguartinneqassasut

Tunumi nunaqarfinni tallimani piiaaneq/isaterineq: 400.000 koruunit kinguartinneqassasut

Tasiilami inissialiortiterneq: 500.000 koruunit kinguartinneqassasut

Nuuk, B-440 aamma B-441 iluarsaanneqarnissaat: 5.3 mio koruunit kinguartinneqassasut

Tasiilami utoqqaat illuat nutaaq: 1.5 mio koruunit kinguartinneqassasut  
Utoqqaat najugaqatigiiffiat Ittoqqortoormiit: 2.5 mio koruunit kinguartinneqassasut  
Paamiut pillugit tamakkiisumik pilersaarut: 1.9 mio koruunit kinguartinneqassasut  
Katuap nutarterneqarnissaanut aningaasaliissutit: sipaaruteqartoqanngilaq.  
Nuussuup Mannguani susassaqtitsivik: 500.000 koruunit kinguartinneqassasut  
Ittoqqortoormiini betonimik aqqusinniorneq kuuffilersuinerlu: 500.000 koruunit  
kinguartinneqassasut  
Illoqarfiup aqquserngini tamakkerlugit asfaltip iluarsartuunneqarnera: 3 mio. koruunit  
kinguartinneqassasut  
Ingerlatsinermit sulinermit atatillugu biilnik taarsersuineq: 1.5 mio koruunit kinguartinneqassasut  
Tasiilami kalaalimineerniarfik: sipaaruteqartoqanngilaq.  
Nuutoqqap aamma Tasersuup (Aqqaluks Park) uummarissarneqarnerat: 3 mio koruunit  
kinguartinneqassasut  
Naapittarfimmi qallersuineq qullilersuinerlu: sipaaruteqartoqanngilaq.  
Kuummiuni arsaattarfik ivigaaraasalik: 3.4 mio pissutsit apeqqutaatillugit kinguartinneqassasoq.  
Ima paasillugu pissutsit allanngussappata ammaqpinneqassasoq.  
Misileraatitit illuliap sanaartorneqarnera: 1 mio. koruunit kinguartinneqassasut.  
Biilinit innaallagiartortunut orsersuisarfinnik atuutilersitsineq: unitsikkallarneqarpoq.  
Qarasaasiatigut atortunik ineriartortitsineq (akissarsialerinermit atortorissaarut, piffissamik  
nalunaarsuut, pigaartunut pilersaarutit, ESDH, Sulisoqarnermit Immikkoortortaarfik):  
sipaaruteqartoqanngilaq  
Sermiligaap Kuummiullu kangerluinik salinissaq: sipaaruteqartoqanngilaq.  
B-1146 Anaanat-meeqqallu Illuannik iluarsaassineq: sipaaruteqartoqanngilaq.  
Qeqertarsuatsiaat - sanaartorneq: 759.000 koruunit kinguartinneqassasut.  
Tasiilami qaarajuttumik qalialimmik timersortarfiliorneq: -1.144  
Uilumik pitsanngorsaaniissaq - barnevogninut inaalitsivik igaffillu nutaaq: sipaaruteqartoqanngilaq.  
Qeqertarsuatsiaani aneerussivinnut qui: 600.000 koruunit kinguartinneqassasut.  
Paamiuni Utoqqaat Illuat nutaaq: 1 mio. koruunit kinguartinneqassasut.  
Angerlarsimaffeqanngitsut 26-t modulbarakkini: 2 mio. pissutsit apeqqutaatillugit  
kinguartinneqassasoq. Ima paasillugu pissutsit allanngussappata ammaqpinneqassasoq.  
Pisuinnaat aqqutaatigut illoqarfimmi uninngaartarfiit illoqannginnersallu: 1 mio. koruunit  
kinguartinneqassasut.  
Skateboardertarfimmik - cykelertarfimmik pilersitsineq: 1.627 mio koruunit kinguartinneqassasut.  
Naluttarfik Malik, Issiavinnik kaassuartakkanik atuisunut isaariaq il. il: sipaaruteqartoqanngilaq.  
Tasiilami majuartaateqarfimmut inissiivik: sipaaruteqartoqanngilaq..  
Malinnut assiaqutsiornissamut misissueqqaarneq - Sermiligaap: 100.000 koruunit  
kinguartinneqassasut.  
Tasiilami umiatsianik inaalitsisarnerit aamma umiarsualiviup itisilerneqarnera:  
sipaaruteqartoqanngilaq -  
Umiatsianut toqqavik: sipaaruteqartoqanngilaq.

*Aningaasaqarnermut Inuussutissarsiornermullu Ataatsimiititap aalajangerneru ulloq 14. maaji  
2020-meersoq:*

Inassuteqaat akuersissutigineqarpoq

**Ilanngussat**  
Soqanngilaq.

# **IMMIKKOORTOQ 5: Taasariaqartut allat**

## **Beslutning**

Soqanngilaq.

## **IMMIKKOORTOQ 6: Lukket**

## **IMMIKKOORTOQ 06A: Lukket**

## **IMMIKKOORTOQ 06B: Lukket**

## **IMMIKKOORTOQ 7: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 16.20.